

XXXI SELMANA DE LES LLETRES ASTURIANES



La XXXI Selmana de les Lletres Asturianes va tar dedicada al escritor mierense *Xosé Antonio García* (1961-1998), creyador representativu del Surdimientu y qu' ocupa un sitiu preferente na lliteratura asturiana de la segunda metada del sieglu XX.

Xosé Antonio García desenvolvió una intensa actividá cultural dende los años setenta y collaboró activamente en revistes lliteraries y en prensa. Amás, dirixó dellos programes de radio y participó nel mundu editorial. En poesía tien espublizaos dos llibros: *Cuartetu de la criación* (Casa de Cultura Teodoro Cuesta, 1989) y *Alcordances d'un home muertu* (Editora del Norte, 1995). Anque dexó inédita producción narrativa, tanto n'asturianu como en castellanu, ye principalmente un poeta figurativu, esistencialista, y que reflexona sobre la condición humana y la muerte.

Por embargu dau'l grau de complexidá de la obra d'esti autor del Surdimientu, decidimos empobinar el trabayu de la Selmana de les Lletres a la celebración del *Añu Internacional de la Diversidá Biolóxica*.


Esti conceptu fai referencia a la variedá de seres vivos que pueblen el Planeta Tierra, asina como la variedá d'ecosistemas que conformen l'ámbitu de vida de tou esti conxuntu de seres. Intentando tratar esti tema dende l'ámbitu asturianu, fuimos trabayando el mou de vida d'un animal como ye l'osu pardu, deprendimos coses de les especies en peligru n' Asturias y de los espacios protexíos

Dos factores importantes determinen la diversidad biológica d' Asturias:
la presencia de la Cordillera Cantábrica y *la proximidad a la mar*.

Les dos especies de fauna, catalogaes n' Asturias como *especies en peligru d' estinción* son l' osu y *el gallu montés*.

L' algaraván, l' aglia real, la xaronquina verde, la xaronca de ríu y la llamprea son especies de la nuesa fauna catalogaes como *especies vulnerables*.

Na imaxen tán representaos los *espacios protexíos* n' Asturias como **Parques Naturales**




El Picu Urriellu ta dientro d' un espaciu protexíu como **Parque Nacional**.

El monumentu natural de Playa Redonda, la Reserva Natural Parcial de la Ría del Eo y el Paisaxe protexíu del Cabu Peñes, son exemplos d' *espacios costeros protexíos*



Na imaxen tán representaos los *espacios protexíos* n' Asturias como **Reserves Naturales**.



La playa de Barayo ye un espaciu protexíu cola categoría de *Reserva Natural Parcial*.

La Playa de Gulpiyuri, espaciu protexíu cola categoría de *Monumentu Natural*.

